










# 同植物講嘢嘅卡麗

-  Ursula Nafula
-  Jesse Pietersen
-  dohlam
-  Cantonese
-  Level 2






呢個係卡麗。佢今年七歲。喺肯雅嘅當地方言入面，呢個名係「好人」嘅意思。




卡麗朝頭早瞓醒，同棵橙樹講：「橙樹吖，唔該你快高長大啦，生啲又大又甜嘅橙俾我哋！」




喺卡麗行路返學嘅路上佢就同草地講：「草地吖，唔該你一定要生綠啲，唔好枯乾晒吖。」



卡麗路過啲野花，佢就同啲野花講：「野花吖，唔該你哋一路開花唔好停啦，等我可以將你放喺頭上面。」



喺學校度，卡麗同操場中間嘅小樹就話：「小樹吖，唔該你生多啲又粗又大嘅樹枝啦，噉我哋就可以喺樹蔭中讀書啦。」



卡麗仲同學校左近嘅灌木叢就話：「灌木吖，唔該你哋生得強壯啲，噉啲衰人就唔入到嚟學校啦。」



當卡麗由學校返到屋企，佢又去睇吓棵橙樹，問佢話：  
「你啲橙熟未呀？」





卡麗唉聲嘆氣噉話：「啲橙仔仲係綠色嘅，我聽日再嚟睇吓你啦！或者聽日你就會俾隻又熟又甜嘅橙我嘞！」



# Storybooks Outline

[global-asp.github.io/storybooks-outline](https://global-asp.github.io/storybooks-outline)

## 同植物講嘢嘅卡麗

Written by: Ursula Nafula

Illustrated by: Jesse Pietersen

Translated by: dohlam

This story originates from the African Storybook ([africanstorybook.org](https://africanstorybook.org)) and is brought to you by [Storybooks Outline](https://global-asp.github.io/storybooks-outline) in an effort to provide children's stories in the world's many languages.



This work is licensed under a Creative Commons  
[Attribution 4.0 International License](https://creativecommons.org/licenses/by/4.0/).